

Պետրոս եպիսկոպոս նոցին սկսաւ զանպատեհս խօսիլ ընդ-
դէմ հրովարտակին Գործակալաց և Հայոց իսկ, զորս Սա-
խարեայն իբրև անօգուտ ոչ թարգմանեաց, այլ միայն
թէ ուխտին անարգել բաժանորդ են, եւ թէ եղին անդ
կանթեզս և պատկերս, և առին զմի մասն եկեղեցւոյն եր-
կու խորանօք, ուր կատարեսցեն զօրէնս իւրեանց. այլ
վասն պատարագելոյ յԱյրին չունիմք երբէք հաւանու-
թիւն. իսկ եթէ դուք հրաման տայք՝ չկարեմք ասել ինչ:
Որոց ետուն պատասխանի Դատաւորք. դուք եւս կարէք
կատարել զուխտս ձեր. զի հրովարտակ երկոցունցդ մի
են և Տէրութիւնն ոչ է գրեալ մեզ հաճեցուցանել զձեզ
եւ ոչ համարձակիմք վերստին դատել զձեզ. զի 'ի մեծի
դատին հաւանութեամբ երկուց կողմանց ամենայն ինչ
վճարեալ է, ոչ վճիռ և ոչ հրաման կարեմք տալ. այլ ջա-
նամք ըստ պաշտածի պաշտօնի մերում գործադրել զհրա-
ման Արքայի, և արդարութեամբ կատարել զամենայն ինչ:
Զի զոր ինչ եղեալ էք 'ի միտս ձեր, թողէք 'ի բաց. այլ
ծանիք զոր այժմս ընթերցաք, իսկ եթէ ունիք զայլ ինչ
բանս, ասացէք. զի Նուրի էֆէնտի այլ ոչ եւս սպասէ
աստ՝ զի ձանձրացեալ է, և Տէրութիւնն սպասէ պատաս-
խանւոյ. մի այլ եւս յամառիք 'ի բանս ձեր. զի ըստ իրա-
ւանց բաժանորդութեան չունիք ընդդիմանալ միմեանց,
որովհետեւ քրիստոնեայ էք. գիտեմք ըստ վճռոյ մեծի
Դենպետին՝ 'ի բաժանորդ տեղիս զոր ինչ առնէ մին,
զնոյն ունի առնել եւ միւսն: Հայք պնդէին 'ի վաղիւ
սկիզբն առնել պատարագելոյ յԱյրին, զի գրով ազդ ա-
րացեն Յոյնք տեսչին իւրեանց չընդդիմանալ: Նոքա ա-
ռանց պատասխանի տալոյ մեկնեցան անտի արտմութեամբ.
դարձ արարեալ Հայոց պատմեցին զամենայնն Օերունեաց,
եւ առաքեցին 'ի Բեթղեհէմ զիլմիւլիսանեցի ծերունի
Ստեփաննոս վարդապետն. և զինի գիշերային ժամերգու-
թեան և պատարագին Յունաց՝ զարդարեցին զխորանն որ
'ի վերայ Մոնղեան տեղւոյն Փրիչին մերոյ, եւ մատոյց
Ստեփաննոս վարդապետ զառաջին փրկագործ պատա-
րազն վասն փրկութեան հոգւոյ կենդանեաց և ննջեցելոց
օրհնեալ ազգիս Հայոց (1813. 'ի 25 Նոյեմբերի):

Սակայն Լատինք ոչ կամեցան մնալ զինի Հայոց, զի